



Sabtu, 01 Juni 2024

Ogen: Kuan-kuanen 27:23-27



Susu Guna Diri Ras Keluarga



Nggeluh sehat, penting kal. E maka melala kal tambahen makanen/suplemen si iakap banci erbahan kita lebih sehat ras lebih ngasup ndahiken dahin-dahinta. Salah sadana e me arah susu. Perbahan penting kal maka lit iperingeti hari susu, enda jadi perayan kuga pentingna susu jadi menu makanen manusia. E maka ibenaken tahun 2001 enggo ibahan peringeten hari susu se-doni. Banci ikataken, kerina golongan masyarakat merlukenca, orangtua ntah pernanden nguda, mbelin kal berhubungan ras susu. Sanga mulai nikapken diri guna hamil seh natang tuah, susu ibu hamil jadi minuman wajib. Kenca tubuh anak, la saja air susu ibu, tapi pe susu ibu menyusui ras susu bayi jadi sada minuman si arus tetap isikapken Bage pe seh ku anak-anak, la sitik iklan si luar biasa itawarken i media informasi, guna tulan, guna pertumbuhan, guna enegri, tambah pintar, daya ingat ras sidebanna. Atlit pe minum susu guna nambahi kesehatan ras sidebanna. Terdauhen, nai Ratu Kleopatra pe guna kecantikenna arus 'mandi susu' seh asa genduari perawaten enda pe lit denga.

Bage me luar biasana pengaruh susu i bas kegeluhenta. I bas umur si kitik seh ku orangtua ntah pe lansia, merluken tambahen gegeh ras vitamin siarapken arah kandungan susu enda. I ja nari rehna, banci arah hewan ntah pe nabati, sabap megati la ka sitik kalak si alergi minum susu hewan. Amin bage gia enggo melala kal susu enda macam ras campurna.

Arah renungeta paksa enda ituriken pedah ras motivasi kuga arusna nggeluh alu pentar. Erdahin selaku perjuma bage pe peternak. Nai duana dahin enda me si menopang kegeluhen masyarakat. Erasuh-asuhen, banci jadi tabungen, janah susuna jadi tambahen pangan man banta. Mari si ergai geluhta alu njaga kesehatan salah sadana arah susu.